

水經注卷三十三



漢 桑 欽 撰

後魏 酈道元 注

江水一

岷山在蜀郡氐道縣大江所出東南過其縣北

岷山卽瀆山也水曰瀆水矣又謂之汶阜山在徼外江水所導也益州記曰大江泉源卽今所聞始發羊膊嶺下緣崖散漫小太百數殆未濫觴矣東南下百餘里至白馬嶺而歷天彭闕亦謂之爲天

水經注

卷三十三

一

谷也秦昭王以李冰爲蜀守冰見氐道縣有天彭山兩山相對其形如闕謂之天彭門亦曰天彭闕江水自此已上至微弱所謂發源濫觴者也漢延平中岷山崩壅江水三日不流楊雄反離騷云自岷山投諸江流以弔屈原名曰反騷也

江水自天彭闕東逕汶關而歷氐道縣北漢武帝元封四年分蜀郡北部置汶山郡以統之縣本秦始皇置後爲昇遷縣也益州記曰自白馬嶺回行二千餘里至龍澗又八十里至西陵縣又

譚云筆下有
要領章法更
井然

朱云華陽國
志曰嚴道縣
南有邛崃山
山上凝冰夏
□紫迴九折
□必說冬而
奇寒自見道
元益之以毒
寒句殊味省
法

南下六十里至石鏡又六十餘里而至北部始百
 許步又西百二十餘里至汶山故郡乃廣二百餘
 步又西南百八十里至濕坂江稍大矣故其精則
 井絡纏曜江漢昞靈河圖括地象曰岷山之精上
 為井絡帝以會昌神以建福故書曰岷山導江泉
 流深遠盛為四瀆之首廣雅曰江貢也風俗通曰
 出珍物可貢獻釋名曰江共也小水流入其中所
 公共也東北百四十里崆山中江所出東注于大
 江崆山邛崃山也在漢嘉嚴道縣一曰新道出南
 水經注

卷三十三

二

字字可刪

有九折坂夏則凝冰冬則毒寒王子陽按轡處也
 平恒言是中江所出矣郭景純江賦曰流二江於
 崆崆又東百五十里曰崆山北江所出東注于大
 江山海經曰崆山江水出焉東注大江其中多怪
 蛇江水又逕汶江道汶出徼外崆山西玉輪坂下
 而南行又東逕其縣而東注于大江故蘇代告楚
 曰蜀地之甲浮船於汶乘夏水而下江五日而至
 郢謂是水也

又有湔水入焉

水出綿道亦曰綿夷縣之玉壘山呂忱云一曰半浣水也下注江

孫云綿夷字壘山按漢志蜀郡有南

至江陽入江應劭曰麴音斯

江水又東別爲沱

開明之所鑿也郭景純所謂玉壘作東別之標者也縣卽汶山郡治劉備之所置也渡江有笮橋

江水又歷都安縣

縣有桃鬪漢武帝祠李冰作大堰於此堰於江作壩壩有左右口謂之湔壩江入郫江撿江以行舟

水經注

卷三十三

三

益州記曰江至都安堰其右撿其左其正流遂東郫江之右也因山頽水坐致竹木以溉諸郡又羊摩江灌江西於玉女房下作三石人於白沙郵在堰官上立水中刻要江神水竭不至足盛不沒要是以蜀人旱則藉以爲漑雨則不遏其流故記曰水旱從人不知饑饉沃野千里世號陸海謂之天府也俗謂之都安之堰亦曰湔堰又謂金隄左思蜀都賦云西踰金隄者也諸葛亮北征以此堰農大本一作國之所資以征丁千二百人主護之有

譚云觀能自反卽是祥徵
旅非忠言晏自取殺
朱云興字好異苑云漢室隆則淡赫彌熾桓靈之際火勢漸微真神異也

鍾云幻妙如見

堰官益州刺史皇甫晏至都安屯觀坂從事何旅
曰今所安營地名觀坂自上觀下反上之象其徵
不祥不從果爲牙門張弘所殺江水又逕臨邛縣
王莽之監邛也縣有火井鹽水昏夜之時光興上
照光華映上昭作江水又逕江鄉縣王莽更名邛原
也鄴江水出焉江水又東北逕郫縣下縣民有姚
精者爲叛夷所殺掠其二女二女見夢其兄當以
明日自沈江中喪後日當至可伺侯之果如所夢
得二女之尸於水郡縣表異焉江水又東逕成都
水經注 卷三十三 四
縣縣以漢武帝元鼎二年立縣有二江雙流郡下
故楊子雲蜀都賦曰兩江珥其前者也風俗通曰
秦昭王使李冰爲蜀守開成都兩江溉田萬頃神
歲取童女二人爲婦冰以其女與神爲婚徑至神
祠勸神酒酒杯恒澹澹冰厲聲以責之因忽不見
良久有兩牛鬪於江岸傍有間冰還流汗謂官屬
曰吾鬪疲極當相助也南向腰中正白者我綬也
主簿刺殺北面者江神遂死蜀人慕其氣決凡壯
健者因名冰兒也秦惠王二十七年遣張儀與司

譚云八字甚
適甚足亦和
亦廉可爲遊
訣有此地大
益人故亦應
稱益

馬錯等滅蜀遂置蜀郡焉王莽改之曰導江也儀
築成都以象咸陽晉太康中蜀郡爲王國更爲成
都內史益州刺史治地理風俗記曰華陽黑水惟
梁州漢武帝元朔二年改梁曰益州以新啓犍爲
牂牁越嶲州之疆壤益廣故稱益云初治廣漢之
雒縣後乃徙此故李固與弟囿書曰固今年五十
七鬢髮已白所爲容身而遊滿腹而去周觀天下
獨未見益州耳昔嚴夫子常言經有五涉其四州
有九遊其八欲類此子矣初張儀築城取土處去

水經注

卷三十三

五

城十里因以養魚今萬頃池是也城北又有龍隄
池城東有千秋池西有柳池西北有天井池津流
徑通冬夏不竭西南兩江有七橋直西門郛江冲
里橋西南石牛門曰市橋吳漢入蜀自廣都令輕
騎先往焚之橋下謂之石犀淵李冰昔作石犀五
頭以厭水精穿石犀渠於南江命之曰犀牛里後
轉犀牛二頭在府中一頭在市橋一頭沈之於淵
也大城南門曰江橋橋南曰萬里橋西上曰夷橋
下曰葑橋南岸道東有文學始文翁爲蜀守立講

譚云弱字妙

武 譚云文翁乃

堂作石室於南城永初舊志水經初宋本華陽國後

學堂遇火後守更增二石室後州奪郡學移夷里

道西故錦官也言錦工織錦則濯之江流而錦至

鮮明濯以沱江則錦色弱矣遂命之為錦里也蜀

有迴復水江神嘗溺殺人文翁為守祠之勸酒不

盡拔劍擊之遂不為害江水東逕廣都縣漢武帝

元朔二年置王莽之就都亭也李冰識察水脉穿

縣鹽井江西有望穿鑿山渡水結諸陂池故盛養

生之饒即南江也又從冲里橋北折曰長升橋城

水經注 卷三十三 六

北十里曰升遷有送客觀司馬相如將入長安題

其門曰不乘高華陽國志赤車駟馬不過汝下也後入

邛蜀果如志焉李冰泐水造橋上應七宿故世祖

謂吳漢曰安軍宜在七橋連星間華陽國志云安軍宜在七星間

漢自廣都乘勝進逼成都與其副劉尚南北相望

夾江為營浮橋相對公孫述使謝豐揚軍市橋出

漢後襲破漢墜馬落水緣馬尾得出入壁命將夜

潛渡江就尚擊豐斬之於是水之陰江北則左對

繁田文翁又穿湔洩以溉灌繁田一千七百頃江

水又東絕綿洛逕五城界至廣都北岸南入于江
謂之五城水口斯為北江水又東至南安為璧玉
津故左思云東越玉津也

又東南過犍為武陽縣青衣水洙水從西南來合而
注之洙水當作洙水

縣故大夜郎國漢武帝開道置以為縣太初四年
益州刺史任安城武陽建元六年置王莽更名西

順縣曰戢成光武謂之士大夫郡華陽志曰更

譚云從志文雲一之字便如署名人地渾冥此裁剪

水經注 卷三十三 七

士大夫郡也有鄴江入焉出江源縣首受大江東南流

之妙

至武陽縣注于江縣下注上舊有大橋廣一里半
謂之安漢橋水盛歲壞民苦治功後太守李嚴鑿

大杜山華陽志作天社山尋江通道此橋遂廢縣有赤水

下注江建安二十九年有黃龍見此水九日方去
此縣藉江為大堰開六水門用灌郡下北山昔者

王喬所升之山也華陽志犍為東接江陽南接

譚云俱以仙聞而一升一沉一死一生一見乃佳

升其北山彭祖家其彭澤江水又與文井江會李冰所導也自
苻道與濛谿分水至蜀郡臨邛縣與布僕水合水

朱云青城山
黃帝封爲五
岳丈人一月
之內群岳再
朝六時酒泉
以代晷漏在
岷山之南群
峰掩映互相
連幢虛無所
宅祥異則多
見玉匣經而
善長注殊略

□身未經歷
□

水經注

卷三十三

八

出徼外成都西沈黎郡漢武元封四年以蜀都西
部邛苻邛理旄牛道天漢四年置都尉主外羌在
邛來山表自蜀西渡邛苻其至險有弄棟八渡之
難揚母閣路之岨水從縣西布僕來分爲二流一
水逕其道又東逕臨邛縣入文井水文井水又東
逕江都縣縣濱文井江江上有長隄隄跨四十里
有朱亭亭南有青城山山上有嘉穀山下有蹲鴟
卽芋也所謂下有蹲鴟至老不饑卓氏之所以樂
遠徙也文井江又東至武陽縣天社山下入江其

一水南逕越嶲邛都縣西東南至雲南郡之蜻蛉

縣郡本雲山華陽國志作川地也蜀建興三年置僕水又

南逕永昌郡邪龍縣而與貪水合水出蜻蛉縣上

承蜻蛉水逕葉榆縣又東南至邪龍入于僕僕水

又逕寧州建寧縣州故庾降都督屯故南入謂之

屯下劉禪建興三年分益州郡置歷雙栢縣卽水

入焉水出秦藏前漢地志臧縣牛蘭山南流至雙栢縣

東注僕水又東至來唯縣入勞水水出徼外東逕

其縣與僕水合僕水東至交州交阯郡麓冷一作陵

譚云四字與上句同意而妙過之

譚云後引經云濛水出漢禹則稱蒙漢亦得

縣南流入于海江水自武陽東至彭亡聚昔岑彭	與吳漢游江水入蜀軍次是地知而惡之會日暮	不移遂為刺客所害亦謂之平謨水曰外水此地	有彭冢言彭祖冢焉江水又東南逕南安縣西有	熊耳峽連山競險接嶺爭高漢河平中山崩地震	江水逆流懸漑有灘名壘坻亦曰監漑李冰所平	也 <small>華陽國志南安縣郡東四百里治青衣江會縣漑有名灘一曰雷垣二曰鹽漑李冰所平也</small>	縣治青衣江會衿帶二水矣即蜀王開明故治也	來敏本蜀論曰荆人鼈令死 <small>漢志牂柯郡有鼈縣</small> 其尸隨水	水經注	卷三十三	九	上荆人求之不得鼈令至汶山下復生起見望帝	望帝者杜宇也從天下女子朱利自江源出為宇	妻遂王於蜀號曰望帝望帝立以為相時巫山峽	而蜀水不流帝使鼈令鑿巫峽通水蜀得陸處望	帝自以德不若遂以國禪號曰開明縣南有峨眉	山有濛水即大渡水也水發蒙漢東南流與泝水	合水出徼外逕汶江道呂忱曰泝水出蜀許慎以	為泝水也從水我聲南至南安入大渡水大渡水	又東入江故山海經曰濛水出漢陽西入江灑陽
---------------------	---------------------	---------------------	---------------------	---------------------	---------------------	--	---------------------	--	-----	------	---	---------------------	---------------------	---------------------	---------------------	---------------------	---------------------	---------------------	---------------------	---------------------

譚云熨也富
熨也仁華之
為富不仁者
真夷獠之不
見矣

譚云志以為
魚於崖何居
□以為火釋
襄□可

西

又東南過熨道縣北若水淹水合從西來注之又東

注水北流注注水疑誤北流

縣本熨人居之地理風俗記曰夷中最仁有仁道

故字從人秦紀謂熨僮之富者也其邑高后六年

城之漢武帝感相如之言使縣令南通熨道費功

無成唐蒙南入斬之乃鑿石開閣以通南中迄于

建寧二千餘里山道廣丈餘深三四丈其塹舊本

之迹猶存王莽更曰熨治也山多獶似猴而短

水經注 卷三十三 十

足好遊巖樹一騰百步或三百丈順往倒返乘空

若飛縣有蜀王兵蘭華陽國志云江有兵欄李冰

其神作大難江中崖峻岨險不可穿鑿李冰乃積

薪燒之故其處懸巖猶有赤白玄黃五色焉赤白

照水玄黃從焚來至此而止言畏崖嶼不更上也

後漢志云越嶲舊本有熨人崖有五色益部耆舊傳

曰張員妻黃氏女也名帛華陽國志云熨道員乘

船覆沒求尸不得帛至沒處灘頭仰天而歎遂自

沈淵積十四日帛持員手於灘下出時人為說曰

譚云黃絹幼婦得帛絡經緯生絕

符有光洛焚道有張帛者也

華陽道國志云符江有陽

郡志內先氏之
女名絡

江水又與符里水合

水出寧州南廣郡南廣縣縣故犍爲之屬縣也漢

武帝太初元年置劉禪延熙中分以爲郡導源汾

關山北水流有大步水注之

步宋本
作涉

出南廣縣北

流注符里水又北逕熒道入江謂之南廣口渚水

則未聞也

又東過江陽縣南洛水從三危山東過廣魏洛陽南

水經注

卷三十三

十一

東南注之

魏當
作漢

洛水出洛縣漳山亦言出梓潼縣栢山山海經曰

三危在燉煌南與嶠山相接山南帶黑水又山海

經不言洛水所道經曰出三危山所未詳常璩云

李冰道洛通山水流發暴

一作
瀑

口逕什邡縣漢高

帝六年封雍齒爲侯國王莽更名曰美信縣也洛

水又南逕洛縣故城南廣漢郡治也漢高祖之爲

漢王也發巴渝之士北定三秦六年乃分巴蜀置

廣漢郡於乘鄉王莽之就都縣曰廣信也漢安帝

譚云今人記
□必以出泉

□必相連而
□□田於後
□□得此類
□□取之法

水經注

卷三十三

十二

永初二年移治涪城後洛縣先是洛縣城南每陰
 雨常有哭聲聞於府中積數十年沛國陳寵為守
 以亂世多死亡暴骸不葬故也乃悉收葬之哭聲
 遂絕劉備自將攻洛龐士元中流矢列於此益州
 舊以蜀郡廣漢犍為三蜀土地沃美人士雋又為
 一州稱望縣有沈鄉去江七里江士遊之所居詩
 至孝母好飲江水嗜魚膾常以雞鳴遡流汲江子
 坐又水溺死婦恐姑知稱詩遊學冬夏衣服實投
 江流於是至孝上通洞泉泉出其舍側而有江之

甘焉詩有田濱江澤鹵泉流所漑盡為沃野又湧
 泉之中且且常出鯉魚一雙以膳焉可謂孝悌發
 於方寸徽美著於無窮者也江士遊後漢書作姜士遊華陽國志云姜

子江陽符長洛水又南逕新都縣蜀有三都謂成
姜詩字上遊都廣都此其一焉與綿水合水西出綿竹縣又與
 湔水合亦謂之郫江也又言是洛宋本涪本水呂忱曰
 一曰湔然此二水俱與洛會矣又逕犍為牛鞞水
 昔羅尚乘牛鞞水東征李雄謂此水也縣以漢武
 帝元封二年置又東逕資中縣又逕安漢縣謂之

□□□字多
□□□多一之
□□□娶蛇

□云一句□
□□

綿水也自上諸縣咸以漑灌故語曰綿洛為沒沃

也綿水至江陽縣方山下入江謂之綿水口曰中

水江陽縣枕帶雙流據江洛會也漢景帝六年封

趙相蘇嘉為侯國中有大關小關焉季春之月

則黃鱗魚死漚也黃鱗下有譌誤按華陽國志云江中有大關小關季春黃龍堆

沒平關昔世祖微時過江陽縣有一子望氣者言江

陽有貴兒象王莽求之而撩煞之後世祖怨為子

立祠於縣謫其民罰布數世華陽國志云江陽有貴兒氣王莽求之而

縣人殺之帶者數世揚雄琴清英曰尹吉甫子伯

水經注 卷三十三 十三

奇至孝後母譖之自投江中衣苔帶藻忽夢見水

僊賜其美藥惟養親揚聲悲歌船人聞之而學之

吉甫聞船人之聲疑似伯奇援琴作子安之操

江水逕安漢縣北

縣雖迫山川土地特美蠶一作桑魚鹽家有焉江陽

郡治也故犍為岐江都尉建安十八年劉璋立

江水東逕樊石灘又逕大附灘

頻歷二險也

又東過符縣北邪東南鰓部水從符關東北注之漢志

龍有
縣邪

縣故巴夷之地也漢武帝建初六年以唐蒙為中

郎將從萬人出巴符關者也漢武元鼎二年立王

莽之符信矣縣治安樂水會水源南通寧州平夷

郡鼈縣北逕安縣界之東又逕符縣下孫云北逕安縣疑有

脫南按漢志符縣為北入江縣長趙祉遣吏光尼和

以永建元年十月詣巴郡沒死成濡灘子賢求

喪不得女絡年二十五歲有二子五歲以還至二

年二月十五日尚不得喪絡乃乘小船至父沒處

水經注

卷三十三

十四

哀哭自沈見夢告賢曰至二十一日興父俱出至

日父子果浮出江上郡縣上言為之立碑以旌孝

誠也沈華陽國志後漢書云孝女叔先雄以不得喪自

健為功曹墮湍水物故雄相持浮於江上搜神記

後自投水却後六日與父相持浮於江上搜神記

殊目非所究也

又東北至巴郡江州縣東強水涪水漢水白水宕渠

水水合南流注之宋本合作

強水即羌水也宕渠水即潛水渝水矣巴水出晉

譚云記歲月
偏詳

譚云父名尼
女却名雄

昌郡宣漢縣巴嶺山郡隸梁州晉太康中立治漢中縣南去郡八百餘里故蜀巴西南流歷巴中逕巴郡故城南李嚴所築大城北西南入江庾仲雍所謂江州縣對二水口右則涪內水左則蜀外水卽是水也江州縣故巴子之都也春秋桓公九年巴子使韓服告楚請與鄧好是也及七國稱王巴亦王焉秦惠王遣張儀等救苴侯於巴儀貪巴苴之富因執其王以歸而置巴郡焉巴治江州漢獻帝初平元年分巴爲三郡於江州則永寧郡治也

水經注

卷三十三

十五

至建安六年劉璋納騫涪

華陽國志作蹇胤

之訟復爲巴

郡以嚴顏爲守顏見先主入蜀歎曰獨坐窮山放虎自衛此卽拊心處巴漢世郡治江州巴水北北府城是也後乃徙南城劉備初以江夏費觀爲太守領江州都督後都護李嚴更城周一十六里造倉龍白虎門求以五郡爲巴州治丞相諸葛亮不許竟不果地勢側嶮皆重屋累居數有火害又不相容結舫水居者五百餘家承三江之會夏水增盛壞散顛沒死者無數縣有官橘官荔枝園夏至

□□□會
朱云荔枝園
猶存安得風
流太守如此
譚云錦江粉
水偏能媚人
誰謂水無情

則熟二千石常設廚膳命士大夫共會樹下食之
縣北有稻田出御米也縣下又有清水穴巴人以
此水爲粉則皜曜鮮芳貢粉京師因名粉水故世
謂之爲江州墮林粉粉水亦謂之爲立水矣江水
北岸有塗山南有夏禹廟塗君祠廟銘存焉常璩
仲雍並言禹娶於此余按羣書咸言禹娶在壽春
當塗不於此也

又江水東至枳縣西延江從牂柯郡北流西屈注之
東逕陽關巴子梁江之兩岸猶有梁處巴之三關

水經注

卷三十三

十六

斯爲一也延熙中蜀車騎將軍鄧芝爲江州都督
治此江水又東右逕黃葛峽山高嶮今無人居江
水又左逕明月峽東至梨鄉歷雞鳴峽江之兩岸
有枳縣治華陽記曰枳縣在江州巴郡東四百里
治涪陵水會庾仲雍所謂有別江出武陵者也水
乃延江之枝津分水北注逕涪陵入江故亦云涪
陵水也其水南逕武陵郡昔司馬錯泝舟此水取
楚黔中地延熙中鄧芝伐徐巨射玄爰於是縣爰
自拔矢卷木葉塞射瘡芝歎曰傷物之生吾其死

矣江水又東逕涪陵故郡北後乃并巴郡遂罷省
江水又東逕文陽灘灘險難上江水又東逕漢平
二百餘里左自涪陵東出百餘里而届于積石東
爲桐柱灘

又逕東望峽東歷平都

峽對豐民洲舊巴子別都也華陽記曰巴子雖都
江平州又治平都卽此處也有平都縣爲巴郡之
隸邑矣縣有天師治兼建佛寺甚清靈縣有市肆
四日一會

水經注

卷三十三

十七

江水又逕虎鬚灘

灘水廣大夏斷行旅

江水又東逕臨江縣南

王莽之鹽江縣也華陽記曰縣在枳東四百里東
接胸忍縣有鹽官自縣北入鹽井谿有鹽井營戶

泚注谿井水

井當谿作注鹽

江水又東得黃華水口

江浦也

左逕石城南

□ 譚云夏字着

譚云前云斷
行旅見廣大
此云多居民
見其平文雖
斷離意實遙
映

庾仲雍曰臨江至石城黃華口一自里

又東至平洲

洲上多居民

又東逕壤塗而歷和灘又東逕界壇

是地巴東之西界益州之東境故得是名也又東

又東過魚復縣南夷水出焉

江水又東右得將龜谿口

華陽記曰胸忍縣出靈龜咸熙元年獻龜於相府
言出自此谿也

水經注

卷三十三

十八

江水又東南會北集渠

二谿水涪陵縣界謂之千陽谿北流逕巴東郡之
南浦僑縣西谿夾側鹽井三口相去各數十步以
木爲桶經五尺修煮不絕谿水北流注於江謂之
南集渠口亦曰于陽谿口北水出新浦縣北高粱
山分谿南流逕其縣西又南一百里入胸忍縣南
入于江謂之北集渠口別名班口又曰分水口胸
忍尉治此

江水又右逕池谿口

蓋江汜決入也

江水又東逕右龍

水至于博陽二村之間有盤石廣四百丈長六里而復殆于岨塞江川夏沒冬出基亘通渚

又東逕羊腸虎臂灘

楊亮為益州至此舟覆懲其波瀾蜀人至今猶名之為使君灘

江水又東彭水注之

水出巴渠郡獠孫云當獠中東南流逕漢豐縣東清

水經注

卷三十三

十九

文有獠中字似屬下也

譚云羣獠相連恐未安下

譚云畏語倩出故當易虎臂為使君

水注之水道源出西北巴渠縣東北巴嶺南獠中即巴渠水也西南流至其縣又西入峽檀井谿水出焉又西過山至漢豐縣東而西注彭谿謂之清水口彭谿又入逕胸忍縣西六十里南流至于江謂之彭谿口

江水又東右逕胸忍縣故城南

常璩曰縣在巴東郡西二百九十里縣治故城跨其山阪南臨大江之南岸有方山山形方峭枕側江濱

□云縣字可
屬下文□□

江水又東逕瞿巫灘

卽下瞿灘也又謂之博望灘左則湯谿水注之水

源出縣北六百餘里上庸界南流歷之縣當作翼

帶鹽井一百所巴川資以自給粒大者方寸中央

隆起形如張傘故因名之曰傘子鹽有不成者形

亦必方異於常鹽矣王隱晉書地道記曰入湯口

四十三里有石煑以爲鹽石大者如升小者如拳

煑之水竭鹽成蓋蜀火井之倫水火相得乃佳矣

湯谿下與檀谿水合上承巴渠水巴渠南歷檀井

水經注 卷三十三 二十

谿之檀井水下入湯水湯水又南入于江名曰湯

口

江水又逕東陽灘

江上有破石故亦通謂之破石灘荀延光沒處也

舊本作荀延光吳改作荀常璩曰水道有東陽下瞿數灘山有

大小石城靈壽木及橘圃也故地理志曰縣有橘

官有民市

江水又逕魚復縣之故陵

舊郡治故陵谿西二里故陵村谿卽永谷也地多

木瓜樹有子大如甌白黃實甚芬香爾雅之所謂
楸也

江水又東爲落牛灘逕故陵北

江側有六大墳庾仲雍曰楚都丹陽所葬亦猶枳
之巴陵矣故以故陵爲名也有魚復尉戍此江之
左岸有巴鄉村村人善釀故俗稱巴鄉清郡出名
酒村側有谿谿中多靈壽木中有魚其頭似羊豐
肉少骨美於餘魚谿水伏流逕平頭山內通南浦
故縣陂湖其地平曠有湖澤中有菱芡鯽鴈不異

水經注

卷三十三

二十一

外江凡此等物皆入峽所無地密惡蠻不可輕至
江水又右逕夜清而東歷朝陽道口
有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東
北流丙水注之水發縣東南柏枝山山下有丙穴
穴方數丈中有嘉魚常以春末遊渚冬初入穴抑

亦褒漢丙穴之類也

任蜀豫人益州之記云嘉魚從石之孔鱗隨

五泉出尺大者

其水北流入高陽谿谿水又東北流注

于江謂之陽元水口

江水又東逕南鄉峽東逕永安宮南

劉備終於此諸葛亮受遺處也其間平地可二十

許里江山迥濶入峽所無城周十餘里背山面江

頽墉四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造宋本作云八陣圖東

水經注

卷三十三

二十二

譚云可作八陣圖小記

跨故壘皆異細石爲之自壘西去聚石八行行間

相去二丈因曰八陣既成自今行師庶不覆敗皆

圖兵勢行藏之權自後深識者所不能了今夏水

漂蕩歲月消損高處可二三尺下處磨滅殆盡

江水又東南逕赤岬西

是公孫口所造因山據勢周迴七里一百四十步

東高二百丈西北高一千丈南連基白帝山甚高

大不生樹木其土悉赤土人云如人袒胛故謂之

赤岬山淮南子曰徬徨於山岬之旁注曰岬山脅

譚云屢舉入
口所無以峽
中政難尋口
平曠耳

也郭仲產曰斯名將因此而興矣

江水又東逕魚復縣故城南

故魚國也春秋左傳文公十六年庸與羣蠻叛楚

莊王伐之七遇皆北唯裨僚魚人逐之是也地理

志江關都尉治公孫述名之為白帝取其王巴蜀

章武二年劉備為吳所破改白帝為永安巴東郡

治也漢獻帝初平元年分巴為三都以魚復為故

陵郡趙胤訴劉璋改為巴東郡治趙胤當作蹇胤見華陽國志

白帝山城周迴二百八十步北緣馬嶺接赤岬山

水經注 卷三十三 二十三

其間平處南北相去八十五丈東西十七丈又東

傍東瀼谿即以為隍西南臨大江闕之眩目唯馬

嶺小差委迤猶斬為路羊腸數四然後得上益州

刺史鮑陋鎮此為譙道福所圍城裏無泉乃南開

水門鑿石為函道上施木天公直下至江中險想有似

猿臂相牽引汲然後得水水門之西江中有孤石

為淫預石冬出水二十餘丈夏則沒亦有裁處宋本

作出矣李膺益州人云灑潁堆夏水漲沒數丈其

不淫決豫坤脉元故錄作允豫府縣有夷谿即狼山清江

也經所謂夷水出焉

江水又東逕廣谿峽

斯乃三峽之首也其間三十里頽巖倚水厥勢殆

交北岸山上有神淵淵北有白鹽崖高可千餘丈

俯臨神淵土人見其高白故因名之天旱燃木岸

上推其灰燼下穢淵中尋則降雨常璩曰縣有山

舊本錯以涓水注并灑水注三百六十六字入此今改正之澤水神旱時鳴鼓

請雨則必應嘉澤蜀都賦所謂應鳴鼓而興雨也

峽中有瞿塘黃龍二灘夏水迴復泐泐所忌瞿塘

水經注

卷三十三

二十四

灘上有神廟尤至靈驗刺史二千石逕過皆不得

鳴角伐鼓商旅上水恐觸石有聲乃以布裹篙足

今則不能爾猶饗薦不輟此峽多獫狁不生北岸

非唯一處或有取之放著北山中初不聞聲將同

貉獸渡汶而不生矣蓋自昔禹鑿以通江郭景純

所謂巴東之峽夏后疏鑿者又東出江關入南郡

界

江水自關東逕弱關捍關

捍關廩君浮夷水所置□弱關在建平秭歸界昔

朱云坡公云

天下山水在

蜀此語若不

平然善長注

水叙域內山

川略盡而奇

峭深杳絕無

有能踰之者

而筆亦隨之

前如常璩盛

□之後如杜

□□其詩

文妙處多在

□中益見坡

□知言

譚云此處可

怒人

巴楚數相攻伐藉險置關以相防捍秦兼天下置
立南郡自巫上皆其城也又東過巫縣南鹽水從
縣東南流注之

江水入東烏飛水注之

作入東當

水出天門郡漢中縣界北流逕建平郡沙渠縣南
又北流逕巫縣南西北歷山道三百七十里注于
江謂之烏飛口殿

水經注

卷三十三

二十五